



Komisija za izbor, imenovanja i finansijsko-administrativna pitanja

Na osnovu člana 7. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/3, 34/03 i 65/13), a u vezi sa članom 21. Statuta JP „Unsko-sanske novine“ d.o.o. Bihać – Prečišćeni tekst, Komisija za izbor, imenovanja i finansijsko-administrativna pitanja, na 24. sjednici održanoj dana 27.06.2023.godine, raspisuje

JAVNI OGLAS
ZA IZBOR ČLANOVA SKUPŠTINE
JP „Unsko-sanske novine“ d.o.o. Bihać

U skladu sa Zakonom o ministarskim, vladinim i drugim imenovanjima Federacije Bosne i Hercegovine i Statutom JP „Unsko-sanske novine“ d.o.o. Bihać – Prečišćeni tekst, imenovanje članova Skupštine JP „Unsko-sanske novine“ d.o.o. Bihać vrši Skupština Unsko-sanskog kantona, na prijedlog Komisije za izbor, imenovanja i finansijsko-administrativna pitanja.

Skupština JP „Unsko-sanske novine“ d.o.o. Bihać se sastoji od tri člana.

I. NADLEŽNOSTI SKUPŠTINE

- (1) Skupština društva, pored nadležnosti propisanih Zakonom o privrednim društvima ("Službene novine Federacije Bosne i Hercegovine", br. 81/15 i 75/21) i Zakonom o javnim preduzećima ("Službene novine Federacije Bosne i Hercegovine", br. 8/05, 81/08, 22/09 i 109/12) obavlja i sljedeće nadležnosti utvrđene Statutom:
- a) donosi Statut, Etički kodeks JP, poslovnike i druge opće akte po prijedlogu Nadzornog odbora,
 - b) odlučuje o povećanju i smanjenju osnovnog kapitala, uz suglasnost Osnivača,
 - c) odlučuje o ograničenju ili isključenju prava prenosa udjela uz suglasnost Osnivača,
 - d) usvaja godišnji izvještaj JP koji obuhvata finansijski izvještaj i izvještaj revizora, izvještaj Nadzornog odbora i Odbora za reviziju, i dostavlja izvještaj Skupštini Unsko-sanskog kantona,
 - e) odlučuje o raspodjeli godišnje dobiti i načinu pokrića gubitka, uz suglasnost Osnivača,
 - f) odlučuje o promjeni oblika JP,
 - g) odlučuje o prestanku JP sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije, uz suglasnost Osnivača,
 - h) odlučuje o kupovini, prodaji, razmjeni, uzimanju ili davanju u lizing, uzimanju ili davanju kredita i drugim transakcijama, direktno ili posredstvom supsidijarnih društava u toku poslovne godine, u obimu većem od trećine knjigovodstvene vrijednosti imovine JP, kao i o takvoj transakciji u manjem obimu (od 33% a većem od 15%) za čije odobrenje je ovlašten Nadzorni odbor, ako on takvu predloženu transakciju nije odobrio jednoglasnom odlukom prisutnih članova,
 - i) odlučuje o izboru vanjskog revizora i izboru i razrješenju članova Odbora za reviziju,
 - j) odlučuje o statusnim promjenama,
 - k) odlučuje o osnivanju, reorganizaciji i likvidaciji suspidijarnih društava i odobravanju njihovih statuta,
 - l) odlučuje o naknadama članovima Nadzornog odbora i Odbora za reviziju,
 - m) odlučuje o poslovnicima o radu Skupštine, Nadzornog odbora i Odbora za reviziju na prijedlog Nadzornog odbora,

- n) usvaja trogodišnji plan poslovanja, odnosno odobrava revidirani plan poslovanja,
- o) odlučuje o ostvarivanju zahtjeva JP prema članovima Uprave i Nadzornog odbora u vezi sa naknadom štete nastale u vođenju poslovanja JP,
- p) odlučuje o zastupanju JP u sudskim postupcima koji se vode protiv članova Uprave JP, ili eventualnim postupcima protiv članova drugih organa JP,
- q) odlučuje o drugim pitanjima utvrđenim Zakonom i Statutom.

II. MANDAT I NAKNADA ZA RAD

- (1) Izabrani članovi Skupštine JP „Unsko-sanske novine“ d.o.o. Bihać imenuju se na mandatni period od 4 (četiri) godine.
- (2) Predsjednik i članovi Skupštine imaju pravo na naknadu za rad.

III. OPĆI I POSEBNI USLOVI

(1) Opći uslovi

- a) da je osoba starija od 18 godina,
- b) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja konkursa,
- c) da se na tog kandidata ne odnosi član IX.1. Ustava Bosne i Hercegovine,
- d) da nije osuđivan za krivično djelo,
- e) da se protiv njega ne vodi krivični postupak,
- f) da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija, u smislu člana 5. Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08),
- g) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine.

(2) Posebni uslovi

- a) da ima završen najmanje VII stepen obrazovanja ili diplomu visokog obrazovanja I ciklusa Bolonjskog sistema studiranja (180 ili 240 ECTS),
- b) da ima najmanje 3. godine radnog iskustva u struci.

IV. PRIJAVLJIVANJE - POTREBNI DOKUMENTI

Kandidati su dužni dostaviti sljedeću dokumentaciju (original ili ovjerene kopije koje ne smiju biti starije od 6 mjeseci):

- a) fakultetsku diplomu (nostrificirana diploma, ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992.godine),
- b) dokaz o radnom iskustvu,
- c) izvod iz matične knjige rođenih,
- d) izjave za uslove iz tačke III. alineja b), c), f) i g) i
- e) uvjerenje za uslov iz tačke III. alineja e).

Potrebni dokumenti traženi Javnim oglasom dostavljaju se uz popratni akt u kojem se obavezno navode lični podaci (ime, prezime, adresa, broj telefona), kao i izjašnjenje o nacionalnosti.

V. DODATNA POJAŠNJENJA

Radno iskustvo podrazumjeva obavljanje poslova VSS i dokazuje se uvjerenjem o činjenicama iz službene evidencije ili potvrdom poslodavca. Uvjerenje o uplaćenim doprinosima (PIO listing) se neće priznavati kao dokaz za traženo radno iskustvo.

Izjave za uslove iz tačke III. alineje III. alineja b), c), f) i g) mogu se dostaviti na jednom papiru koji mora biti vlastoručno potpisan i ovjeren od nadležnog organa.

Komisija će za kandidate koji ispunjavaju uslove Javnog oglasa izvršiti službenu provjeru podataka iz kaznene evidencije iz tačke III. alineja d).

VI. NAPOMENA

Svi kandidati koji budu ispunjavali uvjete konkursa bit će pozvani na intervju pred Komisijom za izbor, imenovanja i finansijsko-administrativna pitanja. Kandidate koje nakon intervjua preporučí Komisija za izbor smatrat će se da su najuspješnije prošli otvorenu konkursnu proceduru.

Javni oglas objavljuje se u Službenim novinama Federacije Bosne i Hercegovine, dnevnom listu „Oslobođenje“ i na web stranici Skupštine Unsko-sanskog kantona www.skupstinausk.ba i ostaje otvoren 15 dana od dana posljednjeg objavljivanja.

Popratni akt sa traženom dokumentacijom dostaviti lično na protokol pisarnice Službe Skupštine Unsko – sanskog kantona ili putem pošte na adresu:

SKUPŠTINA UNSKO-SANSKOG KANTONA
Komisija za izbor, imenovanje i finansijsko administrativna pitanja
Ul. Alije Đerzeleza br. 2
77000 BIHAĆ
sa naznakom
PRIJAVA NA JAVNI OGLAS ZA IZBOR ČLANOVA
SKUPŠTINE JP „Unsko-sanske novine“ d.o.o. Bihać
– NE OTVARATI

Nepotpune i neblagovremene prijave neće se uzeti u razmatranje.

Predsjedavajući Komisije za izbor
imenovanja i finansijsko-administrativna pitanja
Agan Bunić

